

Odluka o imenovanju novog člana Visokog sudskog i tužilačkog vijeća BiH, Visokog sudskog i tužilačkog vijeća Federacije BiH i Visokog sudskog i tužilačkog savjeta RS

Koristeći se ovlaštenjima koja su Visokom predstavniku data u članu V. Aneksa 10. (Sporazum o sprovođenju civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o sprovođenju civilnog dijela Mirovnog ugovora; i posebno uzimajući u obzir član II.1. (d) prethodno spomenutog Sporazuma prema kojem Visoki predstavnik “pruža pomoć kada to ocijeni neophodnim, u iznalaženju rješenja za sve probleme koji se jave u vezi sa civilnim sprovođenjem”;

Pozivajući se na stav XI.2 Zaključaka sa Konferencije o sprovođenju mira održane u Bonu 9. i 10. decembra 1997. godine, a na kojoj je Vijeće za sprovođenje mira pozdravilo namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o sprovođenju civilnog dijela mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada procijeni da je to neophodno” u vezi s određenim pitanjima uključujući (u skladu sa tačkom (c) ovog stava) “mjere u svrhu osiguranja sprovođenja Mirovnog sporazuma na cijeloj teritoriji Bosne i Hercegovine i njenih Entiteta;

Imajući u vidu dvije odluke Visokog predstavnika od 23. maja 2002. godine, kojima je izmjenjen i dopunjen Ustav Federacije Bosne i Hercegovine (Službene novine Federacije Bosne i Hercegovine 22/02, 5. juni 2002. godine) i Ustav Republike Srpske (Službeni glasnik Republike Srpske 31/01, 10. juni 2002. godine), u kojima su položeni ustavni temelji za uspostavu Visokog sudskog i tužilačkog vijeća Federacije Bosne i Hercegovine i Visokog sudskog i tužilačkog savjeta Republike Srpske;

Imajući dalje u vidu Zakon o Visokom sudskom i tužilačkom vijeću Bosne i Hercegovine (Službeni glasnik Bosne i Hercegovine 15/02, 2. juli, 2002. godine), Zakon o Visokom sudskom i tužilačkom vijeću Federacije Bosne i Hercegovine (Službene novine Federacije Bosne i Hercegovine, 22/02, 5. juni 2002. godine), i Zakon o visokom sudskom i tužilačkom savjetu Republike Srpske (Službeni glasnik Republike Srpske, 31/02, 10. juni 2002. godine), koji utvrđuju pravni okvir za sva Visoka sudska i tužilačka vijeća u cijeloj Bosni i Hercegovini i ovlašćuju Visokog predstavnika da imenuje sve članove Vijeća za prelazni period kako je to određeno zakonom;

Uočavajući potrebu da se primjene svi međunarodni i evropski standardi u toku prelaznog perioda rada Vijeća u kojem će se izvršiti reorganizacija sudova i tužilaštava kao i odabir sudija i tužilaca za mjesta u reorganizovanim sudovima i tužilaštvima;

Uočavajući dalje potrebu za nezavisnim i nepristrasnim radom Vijeća kako bi se postigli osnovni ciljevi koji čine osnovu gore navedenih zakona i ustavnih izmjena i dopuna, kao i neprocjenjivu korist koju bi narod i pravosudni sistem Bosne i Hercegovine imao od međunarodne stručne pomoći u toku prelaznog perioda;

Imajući na umu odredbe člana 66. Zakona o Visokom sudskom i tužilačkom vijeću Bosne i Hercegovine, člana 76. Zakona o Visokom sudskom i tužilačkom vijeću Federacije Bosne i

Hercegovine i člana 76. Zakona o Visokom sudskom i tužilačkom savjetu Republike Srpske;

Pozivajući se na Odluku Visokog predstavnika od 6. augusta 2002. godine o imenovanju članova Visokih sudskih i tužilačkih vijeća (Službene novine Bosne i Hercegovine 24/02, 29. august 2002. godine, Službene novine Federacije Bosne i Hercegovine 43/02, 4. septembar 2002. godine i Službeni glasnik Republike Srpske 55/02, 4. septembar 2002. godine) i svjesni činjenice da jedan međunarodni član vijeća gosp. Carlos Alberto Gameiro de Campos Lobo, sudija iz Portugala, koji je tada imenovan, nije mogao preuzeti svoju dužnost i da je dao ostavku.

U skladu sa svim gore navedenim Visoki predstavnik donosi slijedeću

ODLUKU

o imenovanju novog člana Visokog sudskog i tužilačkog vijeća Bosne i Hercegovine, Visokog sudskog i tužilačkog vijeća Federacije Bosne i Hercegovine i Visokog sudskog i tužilačkog savjeta Republike Srpske.

1. Gosp. Carlos Jorge Martins Ribeiro, Sudija, Portugal

imenuje se za međunarodnog člana Visokog sudskog i tužilačkog vijeća Federacije Bosne i Hercegovine i Visokog sudskog i tužilačkog savjeta Republike Srpske, kao i Visokog sudskog i tužilačkog vijeća Bosne i Hercegovine od datuma odluke.

2. Ova Odluka stupa na snagu odmah i biće objavljena bez odlaganja u Službenom glasniku Bosne i Hercegovine, u Službenim novinama Federacije Bosne i Hercegovine, u Službenom glasniku Republike Srpske i u Službenom glasniku Brčko Distrikta Bosne i Hercegovine.

Sarajevo, 6.12.2002. godina

Paddy Ashdown

Visoki predstavnik